

† Ecloga VIRGILII prima  
*Sapphico carmine, reddita ab*  
Augustino Richardsono in  
*artibus Bacchalaureo.*

*Personæ*  
*Melibæus Tityrus.*

*Melb.* **T**V cubans fagi patulæ sub vmbra,  
Lætus agrestem meditare musam,  
Edocens sylvas resonare versus,  
Tityrè foelix.

Finibus nos at patriæ relictis  
Exules, cheu, fugimus miselli,  
Atque tam nobis bene culta quondam  
Linquimus arua.

Tu tamen lentus resides in vmbra,  
Tityre, & sylvas facis (ô beate)  
Vt sonent laudes Amarillis alta  
Voce decoræ.

*Tityr.* Otium nobis Melibœe tantum  
En deus fecit, deus ille semper  
Est mihi, nostrum dabit huic ouile  
Sæpius agnum.

Ille permisit virides per agros  
Vt boues errent, veluti solebant,  
Me vides ipsi calamo canentem  
Carmen agresti.

A

Hoc

*Melb.* Hoc tibi non inuideo; sed vsque  
Miror; & tanto magis vsque miror:  
Turba quod fiat fremitusque campis  
Vndique totis.  
Aeger en istinc abigo capellas  
Protinus: fessis noua prata quærens,  
Hanc tamen, vix hanc pedibus labantem  
Tityre duco.  
Inter hic densas corylos, gemellos  
(Proh dolor) nudæ filici reliquit  
Spem gregis nostri, pariens, & esse  
Desijt vltra.  
Læua mens nobis modo non fuisset,  
Sæpè prædixit Iouis arbor alti  
Hoc malum, vidi, memini, timendo  
Fulmine tacta.  
Sæpius cornix crocitans ab alta  
Ilice, hæc olim mala præcinebat:  
Da tamen paucis deus iste qui sit  
Tityre nobis.

*Tityr.* Quam vocant urbem Melibœe Romam,  
Stultus huic nostræ similem putauī,  
Sæpe pastores modo quo tenellos  
Pellimus agnos.  
Sæpe sic noram canibus catellos,  
Matribus sic & similes notaram  
Capreas, paruis ego comparare  
Magna solebam.  
Hæc, tamen tantum caput inter vrbes  
Extulit, quantum virides Cupressi  
Inter Actæis celebrata ripis  
Viminis lenta.

Mole

*Melib.* Mole curarum mihi iam grauato  
Ede; ni forsan tibi sit molestum,  
Quæ fuit Romam tibi seruienti  
Causa videndi.

*Titur.* Grata libertas: mihi quæ refulsit  
Sera; sed tandem mihi quæ refulsit,  
Barba cum canis caderet capillis  
Candida facta.

Nos ubi fessos Amarillis ipsa  
Occupat, mentem Galatea nostram  
Liquit, infani procul & recedunt  
Illius ignes.  
Namque (nonnunquam dubitem fateri)  
Dum foret nobis Galatea curæ,  
Non erant curæ pecudes, nec est spes  
Liber ut essem.

Victimæ septis licet exiissent,  
Casei & pingues premerentur vrbi;  
At domum nunquam grauis ære nobis  
Dextra redibat.

*Melib.* Mœsta quid sanctis Amarilli diuos,  
Ipse mirabar, precibus fatiges:  
Pendeant, vel quid patereris alta  
Arbore poma.

Titurus nobis aberat relictis,  
Voce te fontes & opaca pinus,  
Voce te syluæ simul arboresque  
Sæpe vocabant.

*Titur.* Quid miser demum facerem, malignæ  
Fœda vix vitans iuga seruitutis,  
Nullibi diuos licuit magisque  
Cernere promptos.

Nuper hic illum iuuenem videbam,  
Cui dies senos mea bis quotannis  
Ara fumauit Melibœe plena  
Pinguibus agnis.

Ille responsum dederat petenti  
Primus, & nostra prece motus aurem  
Lenis admouit facilem, querenti  
Talia reddens.

Quin boues per me (pueri) licebit  
Pascitis quondam velut assuestis  
Sub iugum fortes studio colendi  
Mittite tauros.

*Melib.* O senex plusquam quater ô beate  
Sat manent ergo tibi rura tuta,  
Obtegat quamuis lapis, & palustris  
Pascua iuncus.

Non inassuetum grauibus nocebit  
Pabulum fætis, procul hinc recedat,  
Dira vicini pecoris luesque  
Nec male perdet.

Ergo tu foelix capies opacum  
Frigus, hic inter salices virentes,  
Et sacros fontes, & amoena notis  
Flumina campis.

Hinc tibi sepes apibus referta,  
Pasta quæ florem tenerum saliæti  
Suadeat somnos placidos inire  
Sæpe susurro.

Amputans lignum tenerasque frondes  
Carmen hinc fundit latitans sub alta  
Rupe, quod binas tibi dormienti  
Mulceat aures.

Cura



Cura quin raucae tua quae palumbes  
Sunt, suos edent gemitus, ut olim,  
Exeret vocem querulam nigerque  
Turtur ab vlmo.

*Titur.* Ergo pascentur prius in sereno  
Qui vagabantur per aperta rura  
Huc leues illuc canibus fugati  
Aethere cerui.  
Quinimmo pisces mare destitutos  
Linet, & Parthus grauis atque Teuto  
Iam pererratis vtriusque terrae  
Finibus ibit.  
Ebibet Tigrim ferus ille Teuto,  
Ebibet velox Ararimq; Parthus,  
Quam queat nostro decus eius oris  
Pectore labi.

*Melib.* Nos at in terras domibus negatas  
Ibimus, Creten Scythiamq; pigram,  
Pars, & à toto penitus remotos  
Orbe Britannos.  
En dies vnquam veniet secunda  
Qua videns pauper mea regna quamuis  
Parua, mirari potero measque  
Carpere messes?  
Impius nunquid feret arua miles  
Ista, tam nostris perarata bobus,  
Barbarus nunquid segetes & istas  
Miles habebit?  
Ecce quo tandem miseros reduxit  
Dira lis nostris inimica rebus,  
En quibus nos ô miseri feraces  
Seuimus agros.

Quo

Quo libet ponas Melibœœ vites  
Ordine, eduras serito pyrosque,  
O meæ quondam pecus ite foelix

Ite capellæ.

Non ego, non vos viridem per herbam  
Fusus ab celsa potero videre

Rupe pendentes, tenerumque posthac  
Carpere gramen.

Musa iam prorsus mea conticescet:

Sinè florentem cythisum capellæ,

Sinè carpetis falices amaras,

Non ego pascam.

*Tityr.* Hic tamen mecum tibi si libebit

Noctis hoc possis recubare tuto,

Hic enim frondes dabit arbor alta

Ecce virentes.

Poma sunt nobis quoque mitiora,

Sunt nuces, sunt hic etiam fauique,

Quin & est pressi tibi si placebit,

Copia lactis.


Omne villarum procul ecce fumat


Culmen, & Phoebus caput abdit vndis:

Iamque maiores veniunt ab altis

Montibus umbræ.

F I N I S.

























F.9.19.47

309(3)

sic  
24817.5

